

潘南朴氏世譜序

中州之山起於嵩崙東北一支綿延數萬
里元氣磅礴鍾為白頭為我東諸山之祖
自是脈脈相連融結起伏崛立為金剛五
臺又行數百里覽虎蹲而鸞鳳翔步回
顧至于大小兩山屹然為國中之鎮今而
為妙香九月歧而為德裕俗離逶迤蔓衍
萬峯森羅峙焉而巒麓微焉而培塿巨細

雖殊其同祖白頭脈絡相貫則國中之山
一也泰山丘垤豈特其類而已哉凡人之
同源於一祖而分為萬孫者有山之象焉
蘿林聖王其吾姓之崑崙乎遜縣戶長其
吾宗之白頭卒文正平度之樹立有類於
金剛五臺之崛然為中祖治川嘯皋之茲
世著名有類於兩句之為譽於國中乃五
行倉三樣圓纏羅列至如青蘿雲浦之或

校或翰臨淮春塘之左拱右揖堂非妙香
德裕之聳於西南者乎稟清明靈淋之氣
而道德文章著焉得雄健崇峻之象而彞
鼎旂常紀焉或升而為公卿或淪而為珉
庶雖貴賤顯晦之各殊而苟究其本無非
鋒峴之一脈豈不思收而合之以無忘尊
祖仁親之義乎然人衆則易以散處居遠
則易致疎隔不有文献以微之盟約以維

之集何而不與路人歸也此譜牒之所由
作也吾譜創於壬午而汾西公序其事備
於癸亥而西漢公述其意同敷寧公弁丙
戌立卷蓋漢相公叙己酉之牒參不明尊
親惇睦之義以述先故而易方來今何庸
復贅一語然世逾遠而屬逾疏重以習俗
漸澆門戶多翼魯衛兄弟不免為秦越之
相親則其不戚我先祖之心者或幾希矣

故集壬癸丙乙之舊而繕之以備文獻而
申宗約凡我同盟胥助以講勿以嶽麓而
自高勿以培塿而自卑克追五冠華峩之
風使鋒峩榦枝益衍而起巖々為一邦之
瞻則先祖有靈其將悅豫而默相之矣既
以此相勗因書為潘南朴氏甲子譜序
是歲梧秋上津朴箕陽謹書

潘南朴氏舊譜序

嶺南初無君長六部大人物色羅祖奉之爲君始以剖自大卵而卵大如瓢東人以瓢爲朴故姓朴氏海東之朴皆其裔也羅社旣屋麗祖分處諸朴於列邑各自附籍而居錦之潘南縣者爲吾先東俗素少文獻就近可徵者爲別祖而譜之譜不知所繇昉母慮數家近世宗人之居嶺南者爲譜頗完美而故牧使大夏氏所爲譜亦詳而二家不無出入余從兄榮川守濠氏嘵然倡諸宗人若察訪檜茂氏等合二譜而釐正之首載先世碑碣若誄暨諱日直將若綱在綱而集厥大成焉辛巳秋檜茂氏致從兄命譜且屬梓予其叙之今年至月從兄又書來以工且竣矣討諾責甚急不佞雖椎不文敢不惟命竊惟周衰籍亡而譜作繫之姓則有合統之宗則有章緝傳會分繆糅惟正名辨分爲兢兢其斯爲一家言以補國書之不逮命曰惇史其誰謂不然乃若詳於宗而畧於異姓者譜吾之宗也猶之

乎魯賓長膝而後薛也此其大較也古人以世祿非不朽借令宗人觀譜喟然有思於先德油然躍然率乃祖攸行則德與功與言且賅而不朽將焉避之如謂古今人不相及茅靡波流無以振刷自顯見母不祥大焉斯譜也豈他葆大而矜芬華乎哉要之彰既往厲方來聿追先懿不隕舊聞善之善者也且也昭穆以序疏逖必逮必信而傳必徵而信敦睦申約厥有宗盟凡我同盟言歸于好要束諄諄罔非永世之嚆矢當世論譜宋言歐蘇明言李喬猥云其至非其至者也禮曰天道親親尊祖故敬宗敬宗故收族極之禮樂明備宗廟社稷賴之此周道也又曰禮者衆之紀也此周禮也秉周禮而行周道寧詎必無其人乎哉比屋而周禮周道者爲日而待之矣歲舍壬午至月下浣錦陽君朴灝再拜書

譜者奚謂謂所紀之普也普紀其族名曰族譜此譜朴氏之族又奚不曰族譜曰世譜世以係其族言世不言族可也朴氏本出新羅而枝散葉布

分處州郡下而爲氓隸上而爲公卿大夫不可盡數各以其世之可紀而爲祖祖之所興而著籍其著以潘南而以戶長應珠爲祖者吾族也吾族之見於時當高麗之末及本朝而始盛至今三百年益蕃且大冠于諸姓語云根深末茂源遠流長夫是言也豈冠冕閥閱之謂哉彼其功德積累於前而慶澤衍溢於後天將以是爲勸世之徵也以吾族之蕃衍昌大如此爲譜不可不詳而舊患踈畧又爲之於數十年之前而後出者不與著焉接不承之緒補見缺之文將必有待族弟世采和叔始爲今譜中屬之于族姪泰徵凡十七年而就夙病於畧者無有不詳嗣晚而出者畢得以著旁釐舛訛亦非一二其例則墳墓所在必書徙居所始必書所以追遠而辨族也女之子不在大書之列者所以正俗謬而別異姓也仕不仕娶某氏享年幾某日卒必備書者擇於蘇氏之譜而用其善者也吾因是有感而惜明允之薄於親親爲未仁也彼其爲譜也上止高祖下止於子

傍止總麻如是而曰觀吾之譜者孝弟之心可以油然而出不亦甚乎彼
將以舉天下之人而爲不祖其祖不子其子視期功以塗人而已顧獨厚
耶夫譜以紀之欲無失忘也天下未有忘高曾之名爵而失總功之行第
則又焉用譜爲也乃曰幸其未至於塗人也使其無致忽忘焉高曾總功
猶且待譜而後不忘才免爲塗人而已乎蘇氏之於親親不已薄矣昔司
馬遷爲史記黃帝以來氏姓所出無不詳記又多著其代若古無譜牒又
其爲之者率如蘇氏彼焉取之哉今譜所著自戶長至吾兄弟爲十五世
至吾兄弟之孫又三世下是者特以未見而無記焉耳其旁支別統自各
爲宗者靡不畢收外是者特以無徵而未錄焉耳若是者所以廣親親之
義無不用其極也嗚呼自子而父泝以上之自父而子沿以下之十八代
之間莫非父子之親也在吾身既然乃吾族亦然由是而念萬派之同源
察千支之一根必將情有所不禁義有所不忍何至以親盡服踈而視之

同於塗人乎哉今上九年癸亥五月甲辰潘南朴世堂謹書

癸亥八月
伊川縣刻

潘南世譜之刊已七十餘年宜有續書以攷後出族人會坐輒以是爲言者久矣而未果族弟師存道所獨能躬擔茲事通知于京鄉諸家受錄而致詳手自校寫得前譜之未及載名者爲三世合書八卷若夫凡例一遵前譜無違蓋前譜出於玄石先生及遜溪公而久而後克爲完書是譜之成乃不出四年雖始繼之自有難易留心不懈以就速功于前有光豈不美哉嗚呼尊祖收族之義前有諸序所論至矣盡矣且夫由兄弟而有羣從之別有族人之稱漸遠情隨而踈乃勢也若曰舉一族而情如親兄弟云是近僞也雖然情之未及義實無替遠而愈遠踈而益踈至於異行路者無幾而念與同本自然有相感之理理之所感心又不覺與他人自別矣嘉其爲善矜其不肖以其賢否爲我榮辱思與共處斯世此豈不爲宗族之道也今按譜中或奕葉冠冕貴爲卿宰者或沈淪鄉曲不免編氓者

明知爲某祖某派之所自出而耻相第列強曰姓同而已若是初奚用譜爲昔蘇氏之譜上止高祖旁止總麻自謂觀之孝悌之心油然而生西溪先生譏其薄於親親師任謂明允生自岷蜀特不知遠派之散處兩都之間者爾同祖之親五服之內能盡孝悌之實亦自不易蓋欲論善推親親之義必先觀其能於親其親也吾族最稱道所爲敦睦今又修是譜功不遺於遠近庶知吾言之不苟今不敢侈於文字祇將俗所知同姓百代之親一句語願與之共勉諸宗焉今 上三十一年乙亥季冬下澣前行翊衛司翊衛朴師任拜手謹書

丙戌夏
京城刻

尊尊親親春秋之義也尊孰爲大尊祖爲大親孰爲大仁親爲大聖人之治天下教由親親親親而長長宗法立而昭穆序然後能反古復始不忘其所由生故家之有譜猶國之有史皆所以明尊親之義也司馬子長去古未遠能述五帝系譜列侯世家爲史氏章程沿至晉魏氏族譜乘皆職

于有司猶不失古人遺意然則譜之爲書非一家之書也降及後世史法
浸敝名山之藏往往不足以徵譜法之茫昧從可知已吾朴氏本出新羅
始祖綿歷千載孫支蕃衍然羅史蹠佚派系源流莫得以詳近族之籍潘
南者以高麗戶長公爲祖於是始有譜焉至于今二十餘世爲譜者三舊
譜之輯在壬午至癸亥又修之最後者在丙戌距今爲六十餘年夫以吾
族之衆多率數十年一譜猶患其釐謬補缺之難况乎六七十年之久乎
其曠愈久其事愈難爲是之懼諸宗僉議遂因丙戌譜而緒之義例詳略
一遵於舊而嗣出者著焉舛謬者正焉閱幾年而書乃成并附漏別編凡
若干卷此潘南朴氏乙酉譜也譜之既成當求所以爲譜者自父祖而上
至先祖皆一身也可不尊乎自先祖而下爲宗鄉昆弟皆一氣也不亦親
乎由吾身推之延及百世莫不皆然此所以尊祖仁親爲天道之本而尊
祖又爲仁親之本也詩曰無念爾祖聿修厥德其斯之謂歟樂與同此譜

者道此以相勗仍書爲世譜序云今上二十五年乙酉四月己卯朴宗

薰謹書

潘南朴氏世譜卷之一

總編

先祖朴應珠

二世

子宜

三世

子允茂

四世

子秀

五世

子尙衷

戶長○墓在羅州

古潘南縣蜂峴今

潘南面興德里巖石刻蜂峴字甲坐

原有表石即十二世孫東說任本州

時所堅年久漫漶

肅宗己丑十六世孫弼明按本道

改立新表埋舊石于公之孫進士公

墓外階西邊

祖壬午十八世孫

道源按本道改排床

石望柱○有墳英

庵名石泉舊時戶長印及景宗朝中禁護受教在庵

及第○墓失傳○

蜂峴十里孔巖縣馬山里有一大古

塚傳言朴氏山而土着徐姓葬其傍

甚多又潘南里鄭家竹林中有塚亦

或謂朴氏墓祖庚辰十七世孫英

道源究尋兩處俱

無所驗

坐原有表石即曾

孫平度公嘗所堅

年久漫漶己丑十

世孫弼明改立

新表埋舊石于外

洪錫九癸丑七月卒○墓失傳○宗女柳伯濡瑞川人文

孫之相家有平度草以爲中良浦即一板見下十

見下十一板見下十

公夫人周氏呈狀一板見下十

墓初在中良浦與一板見下十

家翁祖墳云則公諫直提學號樗亭

通政左司

戶籍作常

祥密直公

見下三板

女安吉祥

祥密直公

見下三板

戶籍作常

見下三板

潘南朴氏舊譜跋

程夫子有言宗子法廢後世譜牒尙有遺風譜牒又廢人家不知來處雖至親恩亦薄然則其所以修明譜牒使人人得以自盡於追本收族之道者夫豈少補哉惟我潘南之朴表爲世家者已數百年迄未有譜牒崇禎壬午故族叔祖僉樞公濛視篆榮川爰取遠近宗人之所輯錄者合而釐正作譜二册而刊行之其爲一門之幸大矣第今不可不添改者蓋有四焉事出造次分派之或漏也例欠完備實跡之全沒也歲已久遠後孫之未登也義歎詳畧外裔之稍繁也於是族叔父世采氏慨然於斯思所以增修之者已廻通諭于中外諸宗蒐輯其派錄而屬有事故未就焉一日招泰徵而諗之俾完斯役泰徵辭不獲謹以前譜爲主而更就故牧使大夏氏所錄爲其孫持平元度甫家藏者叅證之又輒博考他薦紳家譜牒較其同異正其訛舛或有出入於前譜者並加標註纂成一部總九編名

之曰潘南朴氏世譜而仍竊有所感者如我先祖潘南先生之道義氣節平度公之勳業政事固已具載國史昭揭海東而至於治川先生之學問正直嘯臯公之文辭行誼與夫南逸活塘諸公之銜訓嗣烈又皆光前而啓後以底于近世雲仍忠孝節行指不勝屈以此言之凡我宗人之觀是譜者不惟思致于追本收族之道而又能油然感發悚然奮興一以先祖之德業爲法在于家而盡其孝弟立乎朝而勉其忠讜庶幾母忝于所生則斯又豈非今日修譜之意耶抑有所懼者泰徵處僻識陋重以衰病昏瞀區區所以竭力於斯役者猶不免爲踈誤之歸以負宿心耳若夫編次之規模書識之體例皆已詳具於凡例茲姑略書申修之大致以示同宗云時皇明崇禎紀元後己未重陽日後孫泰徵拜手敬書于東州泉谷之樂飢齋

朴氏世譜義例之嚴密起於族叔父玄石先生而收錄之慎考證之精

則成於族兄今牙山宰泰徵於是庶無遺憾矣泰輔受之頗復徵於諸宗採其闕遺多所補輯要以備所未備究於完美然世遠族散文獻缺落終無盡完盡美之理而所收既多訛舛亦在其中或者反有所累是之爲懼耳適茲出守熊耳之峽得以廩餘募工斷梓手寫刻之

第一編係
二

舍兄持平
公所書

圖之二十年一朝見其成得無快乎歲癸亥八月吉日庚子

中直大夫行伊川縣監淮陽鎮管兵馬節制都尉朴泰輔謹書

粵歲丙辰師存在憂服中取治川先祖內外子孫譜修而廣之爲十卷是書雖上紀先系甚備而旁不過十四寸而止詳於近而遺其遠非修譜之意也迺於辛酉宗會于孝靖公宅師存復于諸父兄曰伊川刊譜之歲甲將回矣及是時重修恐不可已僉曰善於是發通京外諸宗而以讎正之役委師存師存固辭於斯不揆僭猥妄自擔當洎癸亥春收單出草自是十數年凡四易紙僅成淨本而不無更可消詳者未果付梓亦已有年

乙酉冬族弟師亨亦以遷就爲憂謀所以鳩財入刊若其義例之出入癸亥譜者面講書議非一再而事之不容擅斷者廣詢宗中始爲完書幸賴諸宗輸以物力又有若而人助其考校刻工起於丙戌之夏未周歲而印役開師存三十年用功非敢言勞而吾宗大事於是乎有成矣編帙既鉅差謬必多夫子所云知罪我者其在是歟茲記顛末如右而修睦之誼已具序文節目之詳亦凡例在今不複焉丁亥季春之望後孫師存謹跋

潘南世譜重修訖族兄師存氏屬師亨識其後譜事顛末都正公弁卷之文道所兄跋尾之語已盡之矣小子何用贅焉竊惟吾譜之修于今三焉壬午本爲四編癸亥本爲九編今本爲十四編百有二十五年之間卷帙之多不啻倍蓰則子姓之繁衍可推而知茲豈無所以哉寔由我祖先積德累仁之效歟詩曰夙興夜寐无忝爾所生在我後承苟能益邁種德无替先祖積累之緒則餘慶所賴世世繩繩後甲而修是譜者將不知爲幾

十編矣請以是卜之嗚呼派流雖遠其源則一枝葉雖分其根則同凡我雲仍雖十百代之遠苟探其本同出乎一祖張子曰民吾同胞四海之民尙然而況於同祖乎是譜也披卷瞭然認得一氣中分出來則惇親之心其將油然而生矣同我譜者盍相與勉之哉是歲仲冬後孫師亨謹書

我朴氏厥有譜牒創始於崇禎壬午而爲帙者二重修於肅廟癸亥而爲帙者四增補於英廟丙戌而爲帙者一本而千枝布一源而百派分吁亦盛矣上之四年甲子以後承之漸加蕃多譜事之間有釐改諸宗合辭効力爲之設廳而纂修之甫歲餘草本以汗青告相與傳觀則其義例視舊譜頗多逕庭僉謂我家譜自有成規隨意筆刪非所以重其事也遂以依舊譜改修議定時我族父忠獻公都管宗中事而寔主其論居無何公捐館舍譜事隨以倚閣矣越十年丁丑公之亞胤尙書公與諸宗相議改修施措方始而不數月尙書又遊岱譜事之中停猶夫前也歲丙

戊諸宗又會議譜事此蓋尙書從子今留守周壽君與甫所倡論而繼志
述事者也僉議既同迺定有司三員掌其事分派序行一遵丙譜凡例其
有小小出入亦各印證於原譜註釋及門長講定而未敢自專也歲再易
始克成完本爲帙者凡二十視丙戌又倍蓰矣將以活字印布於宗黨以
余忝叨董事之任與聞始終又使之一言識之夫尊祖敬宗之意孝悌敦
睦之行斯爲修譜之宗旨義諦而舊譜之若序若跋已盡之矣凡我同盟
于是勉勉勿替引之足矣小子何贅焉第以卷帙浩繁作輟多端故畧記
其中間緣起以備他日之攷云爾今 上二十八年戊子仲秋後孫宗正

潘南朴氏世譜重修跋

修譜如修史簡而不可不備蓋不備則無以致其詳不簡則無以執其要其叙系承用世表例世次名諱以經之字號生卒科宦配墓以緯之至如忠孝節烈學問志行之必書者欲其備也標其綱而不條其事者取其簡也吾譜前已四修而創自壬午則如墳典之古簡備於癸亥則法春秋之謹嚴至丙戌乙酉則可仿於太史班椽之道而核今之續修者有涑水紫陽之任而才識不逮恐無以副其責是可愧也夫集一姓二十九世數千萬人而載之一編之中其亦難矣且况門戶之易分而議論之多岐者乎此其所以屢議續修而迄未有成者也今茲之役有都尉公之坐鎮而浮議定觀察公嫺於事而孚於諸宗用以合遠近而萃于一乃選於衆各分厥事任校讎掌出納咸得其人歷數年之工始克成書開印於甲子冬又閱歲而將告竣其簡其備其謹嚴其直核比諸古之修史家未知如何而

其執要致詳用作一家之惇史則似不必多讓於人矣猥以無似忝總諸務樂觀其成而道之但以觀察公之同其始而不及見其終爲恨焉譜分十六卷卷各有編編有多少厥數四十有四係以附編別編若干卷粧以爲冊者視編之數而少其一使繼此而修譜者有忠孝節烈學問志行之屢書而不一書以克承先人之懿則此奚但爲一家之史而已哉是爲跋柔兆攝提格孟陬之月後孫豐緒再拜謹書